

ԱՆԴՐԵԱՍ ՏԵՐ-ՄԱՐՈՒՔՅԱՆԸ ՄԵԴԱԼԱԳՈՐԾ

ՀԵՆՐԻ ՍԱՐԳՍՅԱՆ

Ձնայած հայ կերպարվեստի աշքի ընկնող ներկայացուցիչ Անդրեաս Տեր-Մարությանին (1871—1919) նվիրված է առանձին աշխատություն¹, այնուամենայնիվ նրա ստեղծագործական ուղին և կենսագրության բազմաթիվ էջեր մթության մեջ են, իսկ աշխատանքներից շատերի տեղն անհայտ է: Եթե Ա. Տեր-Մարությանի քանդակները քիչ թե շատ ծանոթ են գիտական աշխարհին, ապա գրեթե ուսումնասիրված չէ նրա գործունեությունը մեդալային արվեստի ասպարեզում:

Մեր տվյալներով առաջին մեդալը Ա. Տեր-Մարությանը ստեղծել է 1901 թ.: Այն նվիրված է Ռ. Պատկանյանին: Մեդալի առաջին երեսի վրա պատկերված է բանաստեղծի դիմաքանդակը մինչև կուրծքը, դեմքով դեպի ձախ: Պատկերի ներքևում մեդալագործի ֆրանսերենով ստորագրությունն է և դրվագման տարեթիվը. T[ER] MAR[OUKIAN]. 1901: Երկրորդ երեսի վրա ռուսերենով գրված է մեդալը պատրաստող արհեստանոցի տերերի ազգանունը. БР[АТЬЯ] ВИШНЕВСКИЕ: Մեդալը բրոնզից է, չափերը՝ 75×65 մմ: Այն պատրաստվել է Մոսկվայում (նկ. 1):

Անկանոն եզրերով, ձվաձև դաշտի վրա համեմատաբար բարձր փորագրությամբ քանդակագործը պատկերել է Ռ. Պատկանյանին, ստեղծելով հարթությունների հակադրություն: Բանաստեղծի դիմաքանդակը հորինվել է մի քանի լուսանկարների և այլ պատկերագրական նյութերի հիման վրա: Ռ. Պատկանյանը պատկերված է տարեց հասակում: Նրա մշակված մանրամասներով դիմագծերը, համարյա շերեացող հագուստը, անգամ ակնոցը կերպարին հաղորդում են մտերմիկ տրամադրություն: Սակայն դիմաքանդակի կեցվածքը, ներշնչված և խորաթափանց հայացքը վկայում են, որ մեր առջև ներկայացված է ոչ թե ընկճված ծերունի, այլ ոգեշնչվող, ոգեշնչող ու մարտնչող մի անձնավորություն:

1901 թ. Ա. Տեր-Մարությանի համար եղել է հիրավի «պատկանյանական» տարի: Այդ թվականին նա ստեղծել է նաև Ռ. Պատկանյանի կիսանդրին և բանաստեղծի՝ Նոր Նախիջևանում կանգնեցված հուշարձանը: Այդ աշխատանքների մանրամասն քննությունից հետևում է, որ թեպետ դրանք հորինվել են տարբեր նպատակներով, սակայն ունեն ընդհանուր գծեր: Եվ դա բացատրելի է, քանի որ թուրք աշխատանքների համար էլ իբրև պատկերագրական սկզբնաղբյուր օգտագործվել է միևնույն նյութը: Դրանցում բացահայտվում է Ա. Տեր-Մարությանի տաղանդը որպես քանդակագործ-մոնումենտալիստի ու մեդալագործի՝ երկուսն էլ հավասարազոր, մեկը մյուսին չխանգարող, չմերժող, գուցե և՛ օգնող:

¹ Մ. Սարգսյան, Անդրեաս Տեր-Մարության, Երևան, 1960:

Մենք հեռու ենք այն մտքից, որ Ա. Տեր-Մարությանը ավելի քան 10 տարի (1901—1912) ոչ մի մեղալ չի ստեղծել, սակայն այդ շրջանից մեզ ոչինչ չի հասել։ Մեզ հասած նյութերի հիման վրա կարելի է ենթադրել, որ 1912 թ. Ա. Տեր-Մարությանի ստեղծագործական կենսագրությունում եղել է մեղալարին արվեստի գործեր հորինելու տարի։ 1912 թ. Ա. Տեր-Մարությանը ստեղծեց շորս պլակետ՝ նվիրված Խ. Աբովյանին, Ղ. Աղայանին, Գ. Արծրունուն և Պ. Աղամյանին։



նկ. 1



նկ. 2

Խ. Աբովյանի պլակետի առաջին երեսին պատկերված է գրողի դիմաքանդակը՝ դեպի ձախ կիսաթեք (նկ. 2)։ Պլակետի ներքնամասում գրված է՝ Խ. ԱՐՈՎԵԱՆ, իսկ վերևում ծննդյան և մահվան թվականներն են՝ 1803—1848։ Պատկերի աջ կողմում ֆրանսերենով գրված է հեղինակի անունը, պլակետի պատրաստման տարեթիվը և վայրը. A. TER-MAROUKIAN. 1912. PARIS։ Պլակետը բրոնզից է, չափերը՝ 56×80 մմ²։

Խ. Աբովյանի դիմաքանդակը ներկայացված է համեմատաբար բարձր ռելիեֆի վրա։ Չնայած այն դեպի ձախ կիսաթեք է, սակայն հայացքով ուղղված է աջ։ Գրողը պատկերված է երիտասարդ հասակում։ Նրա խիտ և կանոնավոր սանրված մազերը, դիմագծերի կատարելության հասնող մշակումը և բարձր օձիքով վերարկուն պատկերին հաղորդում են ջերմություն։ Քանգակագործը կնրտել է մեծ մտածողի, ասիլ մարդու, պոետական խառնվածքի անհատականության դիմաքանդակ, որը, չնայած փոքր չափերին, մոտմանտալ ստեղծագործություն է։ Այստեղ Ա. Տեր-Մարությանը մեկ անգամ ևս ցույց է տվել մեղալարին արվեստում դիմապատկերի ներկայացման անսահման հնարավորությունները։ Ինչպես նշվեց, Խ. Աբովյանը ներ-

² Պլակետը պահվում է Ե. Չարենցի անվան գրականության ու արվեստի թանգարանում (գույքամատյան № 759)։ Նույն պլակետի դիպսից ձուլված մի այլ օրինակ պահվում է Խ. Աբովյանի տուն-թանգարանում։

կայացված է դեպի ձախ կիսաթեք: Սակայն նրա հայացքի ուղղությունը, պատկերի և հարթության հակադրությունները ստեղծում են այնպիսի տպավորություն, որ դիմաքանդակը դիտվում է ամբողջությամբ, բոլոր կողմերից: Դա քանդակագործ-մեղալագործի հայտնություններից մեկն է:

Ղ. Աղայանին նվիրված պլակետում (նկ. Մ 3) Ա. Տեր-Մարուքյանը նրան պատկերել է մինչև գոտկատեղը, դեմքով դեպի աջ, կրծքին սեղմած գիրքը:



Նկ. 3



Նկ. 4

Ներքևում գրված է. Ղ. ԱՂԱՅՆԱՆ. վերևում նրա ծննդյան և մահվան տարեթվերն են՝ 1840—1911: Դիմապատկերի ներքևի մասում՝ ձախից, Ֆրանսերենով գրվագված են սլատրաստման տարեթիվը, մեղալագործի անունը և վայրը՝ 1912. A. TER-MAROUKIAN. PARIS: Պլակետը արծաթից է, չափերը՝ 54×81 մմ³:

Ղ. Աղայանը պատկերված է տարեց հասակում: Նրա լայն ճակատը, երկար մորուքը, խիտ բեխերը, աչքերի, հոնքի ու քթի գծային լուծումները ստեղծում են անողորմ ժամանակից հոգնած, բարի մարդու պատկեր: Մեղալագործը մանրակրկիտ մշակել է դիմաքանդակի յուրաքանչյուր մասը՝ սկսած դեմքի մանրամասներից մինչև հագուստը:

Մյուս պլակետը (նկ. 4) պատկերում է XIX դ. երկրորդ կեսի հայտնի հրապարակախոս ու քննադատ, հասարակական գործիչ, «Մշակ» թերթի հիմնադիր և խմբագիր Գրիգոր Արծրունուն (1845—1892): Պլակետը ստեղծելու տարում լրանում էր «Մշակի» 40-ամյակը: Պլակետի վրա Գ. Արծրունին պատկերված է մինչև գոտկատեղը, թեթևակի դեպի աջ շրջված: Պլակետի ներքև-

³ Պլակետը զահվում է Ե. Զարենցի անվան գրականության ու արվեստի թանգարանում (գույքամատյան № 1143, իրերի բաժին):

մասում գրված է. 1845. Գ. ԱՐԾՐՈՒՆԻ. 1892, վերևում՝ 1872—ՄՇԱԿ—1912, Դիմաքանդակի ձախ կողմում ֆրանսերենով գրված է մեղալագործի անունը, պատրաստման տարեթիվը և վայրը. A. TER-MAROUKIAN. 1912. PARIS, Պլակետը արծաթից է (”), չափերը՝ 54×80 մմ⁴:

Գ. Արծրունուն նվիրված պլակետը նախորդի նման կատարված է ցածր ուղիղ քառակուսի վրա, և դիտողը շի զգում բարձրությունների հակադրությունը: Պլա-



նկ. 5

կետն առանձնանում է կատարման ուղիղ շախմատի նրբությամբ: Շուրջ հիսուն տարի է ապրել Գ. Արծրունին, սակայն պլակետի վրա նա պատկերված է ապրած տարիներից ավելի մեծ: Նրա երկար ու խիտ մորուքը, ակոսված դեմքը, լայն ճակատը, վերնազգեստի ծալքերը խոսում են այն մասին, որ գործ ունենք հոգնած մարդու հետ: Սակայն պենսենի ապակիների տակից ավելի խոշոր թվացող աչքերը վկայում են, որ քանդակագործը հորինել է հոգեբանական խորը կերպար՝ նպատակասլաց, կտրուկ ու անզիշում: Ա. Տեր-Մարուքյանը կարողացել է այս փոքրիկ պատկերով վերհանել Գ. Արծրունու ներքնաշխարհը:

Նույն 1912 թ. Ա. Տեր-Մարուքյանը պլակետ է նվիրում հայ թատրոնի

մեծանուն երախտավոր Պ. Ադամյանին (նկ. 5): Այս պլակետի ստեղծումը պատահական չէր Ա. Տեր-Մարուքյանի ստեղծագործական կյանքում. 1910—1912 թթ. քանդակագործը մի քանի անգամ անդրադարձել է մեծ ողբերգակի կերպարին:

Պլակետի առաջին երեսին պատկերված է հանճարեղ դերասանի դիմաքանդակը՝ մինչև գոտկատեղը, դեմքով դեպի աջ, գլուխը հենած աջ ձեռքին: Ներքևում գրված է. 1849. Պ. ԱԴԱՄՅԱՆ. 1891 (ծննդյան և մահվան թվականները):

Դիմաքանդակի ձախ կողմում ֆրանսերենով պլակետի դրվագման տարեթիվն է, հեղինակի անունը և պատրաստման վայրը. 1912. A. TER-MAROUKIAN. PARIS: Այն արծաթից է, չափերը՝ 68×90 մմ⁵:

Հայկական մեղալային արվեստում Պ. Ադամյանը առաջիմ ներկայացված է միայն այս պլակետով: Մեծ դերասանը պատկերված է հասուն տարիքում, կյանքի մայրամուտին: Պատկերվողի կեցվածքը և մտասույզ վիճակը կոմպոզիցիային հաղորդում են յուրօրինակ տրամադրություն, Դիտողին

⁴ Պլակետը պահվում է Ե. Զարենցի անվան գրականության ու արվեստի թանգարանում (գույքամատյան № 86—Ա):

⁵ Պլակետը պահվում է Ե. Զարենցի անվան գրականության ու արվեստի թանգարանում: Այն առաջին անգամ առանց մանրամասն նկարագրության, իբրև բարձրաքանդակ վերարտադրվել է Մ. Սարգսյանի դրքում (Մ. Սարգսյան, նշվ. աշխ., էջ 37):

թվում է, թե Պ. Աղամյանը նստած խորհում է իր չիբականացված իղձերի ու մտահոգումների մասին: Այս պլակետը Ա. Տեր-Մարությանի երկարատև աշխատանքի արդարւիքն է: Առաջին անգամ նա մեծ ողբերգակի կերպարը (կիսանդրի) ստեղծել է 1905 թ.: Սակայն կիսանդրին և պլակետը իրարից տարրեր ու ինքնություն, Պ. Աղամյանի բարդ ներքնաշխարհը բացահայտող հակադիր ստեղծագործություններ են: Եթե կիսանդրին Պ. Աղամյանին պատկերում է իր գործունեության ծաղկման շրջանում որպես լավատես, կենսախիռն և արագացի նկատմամբ վստահությամբ համակված մի անձնավորության, ապա պլակետի վրա դիտողին ներկայանում է բոլորովին այլ պատկեր: Թվում է, թե նա ամփոփվել է իր մեջ, մնալով իր կերպարների, տառապանքների ու իր հետ:

Ա. Տեր-Մարությանի ստեղծագործությունների շարքում կան նաև աշխատանքներ, որոնք ներկայացնում են հավաքական կերպարներ: Այդ առումով առավել հետաքրքրական է 1914 թ. ստեղծված «Հայաստան» պլակետը: Ցավոք, այս պլակետը մեզ հայտնի է միայն հրատարակումներից⁶: Այս դիպսե պլակետի առաջին երեսին պատկերված է կանացի դիմաքանդակ՝ մինչև կուրծքը, դեմքով դեպի ձախ: Վերևում գրված են. ՀԱՅԱՍՏԱՆ. ներքևում՝ ARMENIE: Պատկերված կանացի կերպարը մարմնավորում է Մայր Հայաստանը: 1914 թ. Հայաստանը կանգնած էր օրհասի առաջ և այս պլակետի ստեղծումը պատահական չէր: Այստեղ պատկերված երիտասարդ կինն ունի ուղիղ դիմադեմ, երկար հյուս, մինչև ուսերը հասնող գլխաշոր: Խոշոր աչքը, խիտ հոնքը, երկար վիզը և մշակված դիմադեմն այդ հավաքական կերպարին հաղորդում են մեծ հմայք և խոր իմաստ: Կերպարը, ընայած տխրության և անորոշության արտահայտության մարմնավորում է, դիտողին ներշնչում է անկոտրում հպարտություն:

Տեր-Մարությանի քննվող պլակետներն ու մեղալը անկասկած չեն կարող լրիվ ու բազմակողմանի բնութագրել քանդակագործին իբրև մեղալագործի: Մենք համոզված ենք, որ Ա. Տեր-Մարությանը ստեղծել է ավելի շատ մեղալային արվեստի հուշարձաններ, քան ներկայացվածները:

Չնայած Ա. Տեր-Մարությանի ստեղծագործական ուղին մշտապես կապված է եղել ֆրանսիական արվեստի հետ, սակայն նա մինչև վերջ նվիրված մնաց իր ժողովրդին թե՛ ստեղծագործությունների բովանդակությամբ, թե՛ թեմաների ընտրությամբ, թեև նրա գործերում ֆրանսիական մեղալային արվեստի անխուսափելի ազդեցությունը զգացվում է: Նրա մեղալային ստեղծագործությունների ձևը, ուլիեֆի ցածրությունը, դիմաքանդակների մանրամասն ու մանրակրկիտ մշակումը և այլն բնորոշ են XIX դ. վերջի և XX դ. սկզբների ֆրանսիական մեղալային արվեստին:

Թեև Ա. Տեր-Մարությանը որպես մեղալագործ հայ իրականության մեջ շունեցավ հետևորդներ, սակայն տարիներ անց նրա մեղալային ստեղծագործությունները հիշվում են իբրև հայ արվեստի պատմության մեջ բացառիկ երևույթ:

⁶ Բ և Գ Ի Կ, Ամենույն տարեցույց, 1921, էջ 243, Մ. Ս արգսյան, նշվ. աշխ., էջ 76:

АНДРЕАС ТЕР-МАРУКЯН-МЕДАЛЬЕР

ГЕНРИХ САРКИСЯН

Резюме

Один из основоположников армянской монументальной скульптуры начала XX в. А. Тер-Марукян (1871—1919) является также создателем памятников медальерного искусства.

Первая медаль им была посвящена писателю Рафаелу Патканяну в 1901 г. Наибольшую часть известных плакет скульптор создал в 1912 г. Плакеты посвящены писателям Хачатуру Абовяну, Газаросу Агаяну, общественному деятелю и редактору газеты «Мшак» Григору Арцруни, выдающемуся представителю армянской сцены Петросу Адамяну. Все названные плакеты и медаль хранятся в Музее литературы и искусства имени Е. Чаренца (Ереван) и вносятся в научный оборот впервые.

В 1914 г. А. Тер-Марукян создал плакету «Армения», местонахождение которой в настоящее время неизвестно.

До нас дошла лишь часть медальерных работ, созданных А. Тер-Марукяном, которая не может охарактеризовать его медальерную деятельность во всем объеме. Тем не менее, сохранившийся материал свидетельствует о том, что скульптор является одним из основателей медальерного искусства в армянской действительности, который впервые своими произведениями вывел медаль из мастерских ювелиров, создав произведения большого искусства.